

were beygethan worden / dann das Sal Urinæ, dar
durch (als noch von einem größern Feind) viel
mehr getödtet / vnd zurück gehalten were / vnd kei
nen Spiritum hätte geben können.

Dieses habe ich den Bawissenden ein wenig be
deuten vnd anzeygen müssen / welche es schon ge
wust haben / denen wird es nichts schaden / vnd an
dern welche es nicht wissen / viel Nutzen bringen /
vnd zu andern laboribus ein Recht seyn / dann ich
vielmahl gesehen / vnd noch täglich erfahre / daß der
mehrereil Laboranten / alles das sie thun / sie ha
bens gleich auß lesen / sehen oder hören / gleich als
ein Handwerck dahin sudeln / wissen im geringsten
ihres Thuns / warumß diß oder jenes geschicht / oder
geschehen müsse / kein rationes, oder gründliche
Reden darzu thun / suchen nicht der Salien / Mi
neralien / vnd anderer Materialien Naturen vnd
Eigenschafften zu erlernen / sondern behelffen sich
nur mit dem recipe. Also hat dieser oder jener ge
schrieben / so muß es seyn / vnd bey Leib nicht an
derst / da doch offtermahls solche Bücher nur zu
sammen gelappte Stückwerck auß vielen Scriben
ten seyn. Diejenige auch / welche sich also an viel
Bücher hengen / selten zu etwas gutes kommen
können / sondern werden nur von einem Irzgarten
in den andern geführt / so lang biß sie ihr Leben
mühsamblich / in viel Wachen / Gestanck / vnd
Sorgen hinschleissen / wann sie aber den Dingen
erstlich fleißig nachdächten / die Natur erkennen ler
neten / vnd dann das Werck in die Hand nehmen /
so wür